

咸豐縣志卷九

人物志

列傳 文苑 列女

楊光萱字子茂雍正時恩貢生時南北尚未分闈先生由明經銓今湖南新化縣訓導清慎自持為同僚上官所敬愛門下高足騰聲藝苑者實繁有徒後以引病歸里從遊者無遠近皆抱經負笈而來裁成講授造就多人楊氏當明世以武勛起家嗣後淵源家學以文翰著稱者接踵而起先生為之倡也卒年七十八子昌生孫勝科亦以積學能文名

蔣世槐字蔭亭歲貢生博學能文尤工詩任漢陽府學訓導主講

咸豐縣志

卷九

人物志

列傳

百零二

晴川書院數年門下士被其裁成騰聲藝苑者實繁有徒先生當道咸多事之秋以冷官小隱外患內訌每一感觸輒託諸吟咏是故在漢多載撫藩上憲率以箋扇索吟題甫落稿士林爭傳誦焉粵西事棘先生知武漢將大受蹂躪謝病歸里時蒲圻賀渠塘任教授本故交以先生方蒙憲眷挽留弗聽未幾武漢殘破賀奔波受累始服先見之明卒年九十六所著有縣志稿知曰齋詩文集若干卷因乏嗣無人梓行府縣志所附錄特其近體中之一種耳同時有蕭德昭郭如昂汪本一三明經年稍長皆以能文名時有蕭郭汪蔣四才子之目

楊秀浩初字曉湖改曉溪遊泮後就學江漢書院執贄陳愚谷先

生之門深以遠到相期後受鮑覺生侍郎知列拔萃科嘉慶甲戌科奉旨照舉人一體會試榜後以教諭註選以親老告歸里力學彌篤族鄰遠士從學成名者不少所者詩文甚富皆清雅有逸致稿散佚無存

楊秀煜字爍亭恩貢生候選教諭幼性敏勤學早歲明經其為文純正樸實具有根柢嘗友教蜀中門下士發跡者衆黔命蓋紹曾名解元也奇其文延入幕禮為上賓適縣試代主文衡所賞拔皆真才晚年教授鄉里邑名士多出其門所者有詩經集解若干卷卒年七十八子守璠孫思愉皆以積學能文名

馮永旭字曉湖拔貢生年十七遊泮下帷攻口十二年不履城市

咸豐縣志

卷九

人物志

列傳

百零三

貢後朝考以直州判用人勸其留京候銓試因父老遂毅然旋里色養以終嘗謁祖墓忠州遂遊黔涪達夔萬一帶訪求前人遺跡經瞿塘魚腹觀武侯八陣圖下三峽由巴東歸所至皆有詩文紀實生平慎交遊謹取與雖家近縣城非公不入友教四方遇寒士尤體恤倍至門下多品學兼優之士七試秋闈四膺房薦竟不售晚年益精書法遠近馳名子延緒貢生亦以能文名

見續府志

文有典字菊人歲貢生祖運開叔士衡士才皆以明經擅文名先生幼性敏勤學髫年遊泮益下帷攻苦博極羣書貢後因嗜學成癖絕意仕進友教三十年所獲脩脯餘積輒以購古今書史南皮張文襄督學時年少負氣其觀風試題百餘種欲以奇闢繁難困

鄂士所收錄少完卷先生方家居如題應付遣子姪賚呈大蒙激
賞獎品頗豐手書家藏古史存疑是天與高才割愛難一聯寄贈
並傳語邑士以不得一見為憾後文襄視學蜀西猶向王藕笙二
尹問先生起居其傾慕如此晚受蜀中大吏之聘周遊岷峨嘉涪
間胸襟尤濶遠卒以淡情利祿辭歸里光緒初邑有教案奸民藉
故羅織多人先生慨然以身犯難未幾事平卒年八十所著有袁
文箋註若干卷駢文一種較石琢堂袁文箋正增補尤多歷代狀
元譜若干卷自唐以來各為小傳叙其事實出處縣志稿詩文集
若干卷其他小學讀本數種因子孫不克肖未盡梓行
宋文藻字古香歲貢生幼性敏勤學其為文才思縱橫不落庸腐

咸豐縣志

卷九

人物志

列傳

百零四

且詞賦擅長遊泮後每試輒冠多士古體詩典麗清新多表彰節
義之作近體亦淵茂越俗友教五十年門下士遍黔利恩來諸邑
有聲鬢序者不下百餘人卒年八十三歲所著有縣志稿詩文集
若干卷子名驥歲貢生亦有文名

丁秀鋈字金舫歲貢生候選訓導幼沈靜好學為賀渠塘學博所
激賞遊泮後尤肆力經史詞章之學有聲鬢序賀蒲圻名孝廉司
鐸十七載造就多人每謂先生為衣鉢大弟子書法歐陽詢晚年
尤遍真入妙每晨起盥沐畢必為真草書若干字數十年如一日
是以書名噪遠近遊宦遠商皆以一得真蹟為寶其為人端肅和
易素敦孝友尤喜培植文教門下士發跡者多易簣前月自為輓

聯輓詩處分家事了了洵達士也卒年七十所著有留鶴山人詩文集

張光杰字俊甫髫年遊泮肄業江漢書院多載七試鄉闈兩膺房薦不第僅以歲貢就職候選訓導友教三十年門下士發跡者衆其為文樸實清雅一稟先型晚年益勵節行領袖士林有澹臺子羽之目同治三年邑令張梓聘修縣志尅期蒞事現梓行者即其所手著也卒年七十子明泰更名質拔貢生有文名
覃吉祥字福田恩貢生幼性魯刻苦力學有曾參之目稍長才思勃發所業大進試輒冠軍歲科試文藝恒為學使所激賞鄉闈屢膺房薦卒不獲售士論惜之教授先品行後文藝邑名士多出其

咸豐縣志

卷九

人物志

列傳

百零五

門其為人樸實正大望重一時且孝行卓著性好施濟至今父老猶稱頌之子香臣見選舉志

秦馨元原名鍾嶽字澧洲幼業儒饒幹濟才屢試不售道咸間兵事日棘因兼習弓馬一試中選同治初以功任來鳳千總後保都司復從戎鄂湘川黔諸省所至皆有詩文紀實卒以性豪邁倔直動與上官齟齬不獲大竟其用中歲告歸里邑有要公咸就取決行止庚寅歲饑兼大水為災流氓羣聚思逞先生率子弟腰刀首巾立呼首要切責解散之全活甚衆其威重服人類如此晚年以鄉望最孚充本縣高等小學堂長兼任修身圖畫等教科未幾卒於家先生素工詩古體尤豪放多逸致隸書峭拔饒骨力畫水墨

大寫尤擅長二者得名久老境益歸平淡多超妙入神之作所著有豹皮集林麓山莊詩集若干卷子七秀彰國鏞國達見選舉志餘均能克家

李文階字東聯歲貢生候選訓導幼性敏勤學咸豐辛酉之難與兄文吉為粵匪所得索重賄以贖時家故寒峻僅備一人貲先生固讓兄贖歸粵匪挈以西行至利川金字山卒以警智乘間脫於厄歸里益肆力經史一試遊庠旋食廩餼其為文清真雅正風骨尤高友教三十餘年成就多士待兄嫂諸姪極厚以養以教數十年如一日至今鄉里猶稱之

徐大椿字壽林邑廩生幼刻苦力學博覽羣書其為文典重堂皇

咸豐縣志

卷九

人物志

列傳

百零六

按之沈實稿脫輒傾動老師宿儒弱冠即友教鄉塾課徒稍暇不廢左右圖史遇有心得手抄等身每歲試學博恒以品端學優上諸使署榜放皆異等教授成就多才尤擅長理繁治劇邑有要公如賓興書院學堂等總攬通籌事宜之原委財政之纖悉算無遺策素為同事所推服本縣高等小學開辦涪州施鶴笙廉訪時方守施以品端學邃鄉望素孚稟充校長廼開辦未久積勞病故士論惜之所著有漫筆紀聞十二卷左史類聯八卷知事齋讀書記四卷待梓

劉華陔原名端冕字季軒邑諸生博學能文屢試輒冠其曹家故殷實多藏書瀏覽皆遍當時邑士富度儲號鴻博者以城西劉氏

為最先生性孤介好為奇闢高論皆有書史以敷佐之聽者翕然罔敢異議其為文淵茂雄直無纖毫脂韋卑靡習氣詩亦稱是年未五十卒士林惜之所著述甚富今皆散佚無存

劉敬亭字子寅恩貢生少聰穎讀書過目便成誦無遺忘弱冠以詞賦樹幟文壇試輒高等尤工近體詩信手拈來皆成妙趣其豔情諸作頗思奪杜牧之李義山之席書法脫胎松雪老人雖骨韻未逮而落筆不俗實為士林所推惜年未五十卒子永壽現官教肅司總務科科員

馮延緒字纘臣恩貢生髫齡遊泮益勵志學業有聲鬢序其為文敏捷暢沛不落小家數言十七試鄉闈房薦者五次堂備者二次

咸豐縣志

卷九

人物志

列傳

百零七

卒以數奇不獲售齋志以歿士林惜之所著詩文甚富科舉既廢遂皆散佚無存

王英明字靜生恩貢生弱冠能文試輒冠軍年五十始受張文襄公知以第一人遊泮獎許倍至並於江漢炳靈集選刻其制藝先生性方介與人交輒和易好為俳諧解頤之談其為文尖銳沈摯無腦滿腸肥之病卒年七十六

蔣祥鍾字靈荃郡廩生幼聰穎有神童之目六歲時其舅氏張海陽孝廉過訪將歸送之蔣誦曰我送舅氏曰至來鳳張笑曰何以贈之答曰惟有青山遠送君其他詞對敏捷具有雅致亦皆稱是年未冠以歲試第一人遊泮科試即列優等食餼文字詞賦均蒙

學使獎許倍至所著有醉經山房詩鈔二卷清新俊逸兼有其長
年僅二十二卒士論惜之 以上文苑

覃田氏明唐崖宣慰覃鼎之妻龍潭安撫田氏女也相夫教子皆
以忠勇著一時夫鼎於天啟七年故子宗堯襲職頗肆行不道田
氏繩以禮法迨堯奉調赴荊州剿流寇尙事悉賴主持內則地方
安謐外則轉輸無乏未幾宗堯死事弟宗禹承襲樸勇一如其父
田乃優游以樂餘年性好善樂施尤喜奉佛嘗朝四川峩嵒山隨
侍奴婢百餘人沿途皆為擇配歸里後創建大寺堂牌樓街道煥
乎一新至今猶為邑中古蹟云

蔣覃氏蔣進明之妻故土官覃梓椿之女年十九夫故撫孤守節

咸豐縣志

卷九

人物志

列

百零八

事姑以孝聞勤苦持家動中禮法戚里稱之乾隆四年旌

劉三姑笄少守貞捐軀明志乾隆五十四年旌熊遇溪明經碑誌
云瀑泉西北百二十里有地曰通草灣桃源人劉姓者攜家居此
女三姑及笄未字惡少廖某窺其美假事挑姑姑避之謹廖伺姑
出汲窘於途姑大號得免比歸聲出淚滴憤不欲生母方以未及
污解慰之姑乘間彌縫上下衣履使連結如一縊死邑侯張公嘉
其節處廖以極刑請於朝建坊旌獎土人因以牌樓名其山蓋乾
隆五十四年事也越道光乙巳予授徒茲土姻長張慎齋先生致
仕歸屬訪其事予至故墟敗瓦朽木無一存者碑碣為山石崩揜
不復可尋徒見奇峰壁立溪流清而遺蹟杳矣幸二三父老道

其始末猶詳焉竊嘆自昔至今纔六十年何銷蝕至於如斯若歷時愈久文獻無徵誰復知其節烈有如是哉間嘗為吳君寶山及其弟方毅昆仲道及此事謂此女亮節卓然向列郡志今乃墳塚模糊幾不可以辨識宜勒諸貞珉以垂永久以光潛德惟於有力者是望焉二君以為然遂慨然捐修而碑亭遂巍然重新是亦勇於赴義者之所為也予雖拙於才亦樂誌於石且綜其事而論之古之所謂殺身成仁舍生取義者每出於烈丈夫今不圖於巾幗中髣髴遇之也且夫貞女特僻壤窮鄉中一弱息耳耳不聞保姆之訓目未睹女誡之書獨其羞惡之性是非之心堅於金石不可屈抑吾意強暴樓逼時直欲齧其人而死之矣顧力有所不能因

即以其死死之而邑宰張公果能處廖以極刑按其人而置之死其貞魂詎不快然於地下哉嗟彼狂徒胡犯貞烈既烈且貞冰霜比潔有其侵之項領流血而吾獨異近世縱淫之徒何幸不遇此女得保首領以終又異乎姣而誨淫貽羞帷薄者胡不令此女一唾其面吁嘻惜哉而劉貞女者至今凜凜有生氣矣宋古薌明經有烈女行云為訪香檀入幽谷羣芳中有女貞木鸚鵡欲啄女兒花河姑下視天應哭烈哉貞女劉三姑隨爺持家阿母俱生成麗質招人妒倏來濁水浣明珠久貯深閨誰覲面桃花不合牆頭見伏戎惡少向而狙風語華言佯相煽風狂且暴屢將侵狡童有意妾無心閨門謹閉魚潛沼燒香不敢立花陰一朝緹縈晨出汲四

顧無人勢岌岌向天大號賊膽驚雨欲淋花花未濕網羅幸脫歸
來晏婉轉嬌啼香魂顫阿母聞之慰藉深妾恐狂且情猶戀只愁
門前或再逢繡履羅裳密密縫針線未停腸已碎拚將一命絕狂
蜂夜深悄把房櫳閉珠淚闌干啼聲細拜謝爺娘養女恩今生難
報雙親惠慘把吳綾七尺裁瓊花入夢豈重開勢將為厲來殺賊
貞魂不肯上陽臺邑宰張公賢令尹採風及此聞之憫旋將惡少
寘典刑頸血澆墳慰幽眵更為表奏請於朝丹詔飛來下九霄牌
坊棹楔輝金碧劉氏三姑烈女標瀑泉世族多賢媛亮節英風輝
史傳那知貧女解完貞不憚捐軀憑素練考厥朝代書簡編乾隆
五十有四年詎今纔經六十載瓦敗碑殘蝕雨煙遇溪先生好訪

咸豐縣志

卷九

人物志

列傳

百一十

古與我同心館斯土偶尋斷碣立斜陽相視惻然愁肺腑先生作
傳識芳烈我亦長歌眦欲裂從古佳人福不佳貌則芙蓉腸則鐵
延陵昆季古賢流慷慨耐金續此樓祇許貞魂長坐臥不許遊蝶
漫尋秋鬼物有靈爭守衛此人此樓長萬歲村童竈婢拜下風相
對貞烈皆垂涕樓成重過牌樓山樓下清溪水一灣流水似為鳴
咽語貞魂猶自怨紅顏

田蕭氏田錦興妻年十九夫故撫孤守節滿例府縣稟奉湖北布
政使諭本司查得該氏心堅鐵石志勵冰霜十六于歸方切宜家
之詠三春喪偶永懷分鏡之悲奉堂上之翁姑克全孝養撫膝前
之襁褓兼盡慈嚴何乃時運不齊命途多舛既慟椿萱之已萎旋

悲蘭桂之早凋實搶地而呼天真血枯而腸斷乃含飴破涕復為夢裏空勞爰擇嗣承桃硃費心中計畫節以孝而愈彰志遇難而彌篤守節三十二年屆年五十一歲既年例之相符應旌楊之特錫嘉慶五年旌後人為建坊永豐里之小水田至今巍然猶存劉張氏劉正友之妻年十八夫故守節道光十年學使王贈松柏長榮匾額

楊甘氏文林郎楊昌試妻年二十二夫故守節三十二年卒邑令張南溪廣文劉韓書蕭紫庭欲為援例請旌以年例未符力辭未幾歿胡廣文烜銘其墓子勝岳孫秀詣見選舉志

徐冉氏贈承德郎徐世久之妻年二十六夫故守節二子俱幼氏

咸豐縣志

卷九

人物志

列傳

百十一

以母道兼父道勤於訓誨課讀尤嚴二子業儒成名行誼皆為邑人所推重家故寒素而性好施濟晚年小康近鄰貧民待以舉火者甚衆年七十一卒貧民慟哭如喪考妣其德惠感人可想見矣子國典國治生員孫正旭見選舉志

李劉氏文童李興周妻雲夢教諭劉介之女年十六夫故守節奉翁姑撫姪承桃克紹家聲邑令向崇基為作節孝頌其略云是劉介女巾幗之傑能讀父書賢女合轍于歸匝月所天遽亡懷清守潔以孝高堂猶子為子藐姑承祀曜靈不弔哭子濺淚幸已生孫裡祀是續孫也克家得延世澤養之教之嗚嗚孺泣五十五年大節昭間評孚桑梓譽遍榆枌

王黃氏贈奉政大夫王文煥之妻儒士黃羲和女年二十九夫故守節撫孤家雖貧奉翁姑必備甘旨侍姑病恒衣不解帶及卒哀毀逾常後家小康每紹夫志為義舉訓子嚴尤戒濫交子偉官大埔知縣道光二十八年邑大饑督子買糧賑濟同治六年又值凶災復諭諸孫減價平糶兩次全活甚衆年八十一卒光緒八年請旌

鄧馮氏贈奉政大夫鄧勝友之妻年二十五夫故守節時鄧氏親族方以孤寡可魚肉屢尋衅生事氏故望族女性敏幹獨力摒擋內訌外侮賴以寧謐初家僅小康躬操女紅生計漸裕又念遺孤瑩子非顯揚末由愜父願廼延內姪馮曉湖明經教其子與婿後

咸豐縣志

卷九

人物志

列傳

百十二

子官刑部婿支承祜官兵部皆稱職著賢聲由氏善教之力也後又延師教其孫與外孫皆成名晚年家益富饒尤好善樂施有巴婦懷清之譽同治初旌表節孝卒年八十子秀毓孫炳麟見選舉志孫慧麟貢生石麟太學生

徐曾氏贈文林郎處士徐國潤之妻年二十六夫故守節時長子次子俱幼遺腹生季子家故寒素氏持躬以禮且勤女紅教子有方持家有法迨三子成名家亦漸康尤喜推解衣食以濟窮乏族鄰稱賢德焉卒年五十六子正涵太學生正承見選舉志正綿庠生孫大樞附生大均恩貢大垓歲貢

蕭田氏蕭志珍妻旌表建坊田節婦蕭氏女也年二十夫故守節

卒年七十三學使王文在以砥節懷清表其閭

蔣覃氏蔣英華妻同治壬戌春避難山谷中賊搜獲之罵賊不屈墜崖死

謝田氏謝廷賜妻年三十同治元年正月十一日粵匪竄境避賊洞中賊圍數日洞破氏誓死不屈奪刀自刎賊忿碎其屍光緒八年旌

田邢氏田敬德妻年二十八夫故守節卒年六十一旌

董譚氏董元泰妻年十八適董兩載泰回常德原籍不返氏無子女翁姑依母家守節以終卒年七十

朱周氏生員周德高孫女適儒童朱英歲壬戌年二十一避難入

咸豐縣志

卷九

人物志

列傳

百十三

洞賊至恐被辱赴陰河死同治三年邑令學博同贈節烈可風匾額

黃冉氏監生黃承德之妻其女適同里吳宗祺壬戌春避賊洞中為賊所逼母女攜手墜崖而死

洪李氏太和里洪秀枝之妻年二十歸洪生一子夫遠出不歸家故貧里人憐之有勸其改醮者氏指其子曰洪氏血食賴有此耳吾去則嬰兒誰依諸公毋狗彘我也里人慙且敬之後為子娶媳覃氏生三孫不幸子與兩孫俱歿僅一孫方在抱氏溫言慰藉與覃氏日勤針黹夜則紡績姑婦二人相依為命云

袁鄧氏文童袁通顯妻刑部主事秀毓之胞姊年二十五夫故守

節四十餘年卒撫子仁全以養以教克振家聲孫鳳鳴鳳啣俱附生縣城南關建有節孝專坊

楊黃氏楊廷璋妻年二十六守節孝親撫遺孤二成立巡撫胡林翼為請旌題節孝昭垂額

楊羅氏文童楊正峰妻年十九夫故欲以死殉孀姑泣勸始忍死守節奉姑極盡孝養已旌

覃田氏年十八為覃靜山繼室原配遺孤二氏撫之如己出壬戌粵匪過境全家避難斷余峽石崖中賊窮搜挾靜山以去氏挈子墜崖百仞飢渴三日免歸撫子成立以養以教逾三十年歿子慶遠遊泮家亦小康皆氏積勞茹苦之所致也宣統元年旌提學高

咸豐縣志

卷九

人物志

列傳

百十四

贈清標彤管匾額

支徐氏恩貢生候選教諭徐正承之長女幼字四川彭水縣兵部主事支承祜之次子名家壽年甫十九夫故過門守貞三十餘年以侄承祧俾故夫宗祀不絕族鄰稱賢媛焉宣統元年旌

咸邑民風樸厚士夫家禮教相傳罔敢失墜至閨幃之內名節自礪從一而終者較之通都大邑尤為數見不鮮第搜羅未備遺珠不免即如志乘所登事實仍多缺略然吉光片羽睹其名已足想見其人茲照錄之如廖鈺相妻田氏蔣某妻周氏田錦華妻蕭氏李天麟妻彭氏武舉熊金榜妻李氏黃天忠妻胡氏滕成先妻李氏陳德太妻詹氏李均成妻戴氏楊昌隆妻冉氏宋瑰萬妻蔣氏

李正培妻周氏謝正元妻魯氏姚勝珊妻楊氏袁章煥妻梁氏李
正權妻宋氏蕭宏贊妻李氏楊繼貞妻袁氏郜文祥妻王氏楊秀
洪妻程氏宋朝選妻曾氏宋朝榜妻江氏馮世均妻王氏熊錫陽
妻張氏李天福妻楊氏萬志珍妻田氏嚴大堂妻周氏嚴修文妻
周氏田先來妻王氏覃廷璠妻黃氏黃羲和妻熊氏劉正隆妻嚴
氏以上見舊府志又向日顯妻查氏王世裕妻楊氏嚴道衛妻楊
氏周心富妻嚴氏馮德偉妻張氏楊秀汾妻梅氏葉光宙妻孫氏
周國瑚妻黃氏馮德佩妻張氏王洪高妻龔氏玉大淮妻魯氏王
太漢妻陳氏賴嘉會妻謝氏張蓋芝妻冀氏劉仕選妻孟氏劉啟
柏妻譚氏以上亦係舊府志本縣志纂錄者又王廷珍妻黃氏謝

咸豐縣志

卷九

人物志

列傳

百十五

營三妻劉氏滕代昌妻陸氏游行魁妻陳氏劉秀鍾妻李氏覃光
藻妻周氏王吉美妻李氏李介堂妻田氏謝廷俊妻劉氏謝朝幹
妻李氏張守桂妻王氏文生丁秀鍾妻嚴氏魏德明妻蕭氏楊勝
發妻朱氏以上見續府志又續府志載馮貞女者馮慕濂之女幼
字楊姓楊子殤誓不再字性敏而孝知詩書明大義言笑不苟年
二十七卒自處分後事命其侄朝夕奠不用僧道葬必於父側尤
惓惓屬兄嫂善事其母訓導魯元誌其墓而銘之又生員徐大棗
妻楊氏年二十三夫故守節十餘年卒蕭大宏妻冉氏蕭大亨妻
李氏蕭子俊妻楊氏李可知妻楊氏亦守節如例凡此皆貞淑賢
媛雖未盡邀曠典而其芳躅遺徽要自不可磨滅也

以上列女